


www.BibleForChildren.org

Génesis 3




Ar omede bela dulemar-dula-
gunonikoed-e-nanga guosoggu,
Adán na e-ome Eva'ye onugsasad.




Bab-Dummad-Jehová we-napneggi
bela ibmar-durgan obinnisad.

Amar-abargi, naibedi ibmar-durgan-
baiganba dule-binsaed-gaedgi bur
buledid. Naibe omega sogded:

—¿Etto, Bab-Dummad bemarga sogsa:
‘We-nainu-nuedgi sapimar-gwichid-e-san
melle
bipisaale
gunmaloye?’




Ome naibe-abin
sogded: —Ar
igid-sapi-e-san anmar
we-nainu-nuedgi
gunbimala, sunna bela anmar gunmalad.
Unnila nainu-nued-abargi
sapi-wargwen-gwichid-e-sanbi
geg anmar gunned.



Bab-Dummad


anmarga sogsado:

'Melle a-sapi-e-sandi
be gunmaloye, degine,
melle be ebumarbaloye. Ar bemar
guchale, bemar burgwemaloye.'




Ar naibedi omega
sogded: —Suli,
degisuli. Bemar
gwen burgosuli. Ar

Bab-Dummad nue-wisid, bemar we-sapi-e-san
guchale, ibmar-wisii gudmaloed. Geb agine,
bemar Bab-Dummadyob ibmar-wisi
gudmaloed, ibi ibnuedi,
ibi ib-isganabali.




Ome sapi-san-dakdegu, dakalid,
sapi-san yeerdaklege, nued-gulle-
daklege, degine, nue-ibmar-wisi
sunna dule-imake daklege.

Degisoggu, ome sapi-san-gwachagu,
guchad. Geb ome
e-suiga uksamogad.
E-suide
guchamogad.




Geb agine, na ebobela neg-ittos
nadmalad, emarde uka-swili
garmakdii. Geb degine, saburega
gagan-urwagiid-higuera'ye-nugad
maksamalad. Agi, na
saburusmalad.





Bab-Dummad-Jehová'di macheredse
goted, ega sogded: —¿Bia be gudii? Dule
abin-sogded: —An be-itosad, nainu-nued-imbaba
be gudii. Ar an uka-swili-gudisoggu, an be-dobee
itoged. A-ular, an be-idu dukusad.





Geb degine, Bab-Dummad
machedredse egichialid: —¿Ar doa bega
sogsa, be uka-swilii gudiye? An bega sogsad:
'Sapi-wargwen-e-san mer be gunnoye.'
¿A-sapi-e-sande be guchasi?





Dule Bab-Dummad-abin sogded:

—Ome-anbo-garmakdiguega be anga-uksadi,
a, anga sapi-e-san uksad. Geb an
guchasunnad. Geb degine,

Bab-Dummad-Jehová omese egichided:

—¿Ibiga deyob be imaksa? Ome
abin-sogded: —Ar naibe
an-yardaksad. A-ular,
sapi-e-san an guchad.






Degisoggu, a-ular,
Bab-Dummad-Jehová,
nainu-nued-Edén'gi dule-gudiid
onossunnad. Degine,
napagi-arbaega dule-imaksad.
Ar ade, napagi dulede danikid.






Bab-Jehová, Adán
nainu-nuedgi-gudiid onosgua,
nainu-nued-dad-nakwedsik
baliwiturmar-querubin'ye-nugad
ogwichisad.





Degine, es-suid-gwabunye-gwichid
bela bipirmakgwichi imaksabalid.
Adi, melle dule-wargwensaar
sapi-dula-dule-imakedse
warmakmalagar.




Adán e-ome-Eva'se-gochagu, Eva gurgin-nika gunonikid. Eva'ga susugwa uklenonikid, Caín'ye onugsasad. Ar Eva sogded: "Bab-Jehová na e-sogedba susugwa anga uksad."




Geb a-sorba, Eva'ga Abel uklenonikid,
Caín-e-urba. Abel sibat-wawaad-edarbedga
gusad. Caín'di sapurba-arbaed-dulega gusad.




Ibagan-nasad-sorbali, Caín na e-ibmar-
sanmaksamalad wesad. Geb Bab-Jehová'ga-ukega
senonikid. Abel'di na Bab-Jehová'se
sibad-wawaad-gebegwalulesmalad
senonimogad, geb oburgwisad.
A-sibad-wawaad-e-gwallu ogumakar
Bab-Jehová'ga uksad.




Bab-Jehová Abel-yeer-daksad, degine,
ega-ibmar-uksad yeer daksabalid. Bab-Jehová
Caín-yeer-daksasulid, degine,
ega-ibmar-senonikid amba yeer
daksasurbalid. A-ulale, Caín
bela-bela sae-itoalid. E-wagar-
daklegedi magar-dakleged,
nue sae-itoged.




Ibagwengi, Caín e-urbaga sokalid, sapurba
wis-garmakdii sanamarye. Geb ebo-sapurba-gudiidgi,
Caín e-urba-Abel-sarsosad, geb oburgwisad.




Geb degine, Bab-Jehová Caín'se egichided: —¿Bia be-urba-Abel nade? Caín, Bab-Jehová-abin sogded: —An wissuli. ¿Ar ande an-urba-edarbedsi? Caín Bab-Jehová'gi bangudgu, Nod-yargi megidapid. Nod-yarde Edén-dad-nakwedsik naid.




Adán e-omese gochabargu, Eva susugwa-nikunonikid.
Geb Eva sogded: “Caín, e-urba-Abel-oburgwissoggu,
Bab-Dummad susugwa anga Abel-anar
uknonikid.” A-ular, Eva a-susugwa Set’ye
onugsasad.



A-sorba, Adán birga-dulataled-ilabaabak (800)
napi-gudii gusad. Adán, machimala-baigan
nikusbalid, degine, bunamala nikusbalid.



Degisoggu, Adán bela birga-dulataled-ilabakebak
gaka durgwen-gakambe (930) dula-gudii gusad.
Degi-birga-nika Adán burgwisad.




Bab-Jehová dakalid, we-napneggi
dogdar dulemar-iskued mergugusa,
degine, we-dulemar unnila
ibmar-iskana-imakedginbi
binsadimala.



A-ular, Bab-Jehová sogded: “An
dule-obinnisad we-napneggi an obelogodo.
Degine, bela ibmar-durgan, bela ibmar-
durgan-napagi-garmakdimalad, degi,
nuumar an obelobalodo. An
we-ibmarmar-
obinnisadgi,



nue-nunmak an itoged.”




Ar degi-inigwele, Bab-Jehová Noé'bi nued-gudii daksad. Noé machimala-walapaa nikusad: Sem, Cam, Jafet.



Ar Bab-Dummad bela
we-napneggi-dule-bukwad
nue-sabgussoggu,
E-Machi-Wargwenna-Guedi
barmialid, adi,
dulemar-isgued-anar
burgwegar.



2




60



Ar doa-dule Bab-Dummad-Machigi
bensuli-gunonikile,
burba-geg-bergued nikuoed,
adi, mer bar degisadegu,
sabsur-odurdaklesii guegar.



2



60



Romanos 3:23

Ar dulemar belagwapa isgusadbisoggu,
Bab-Dummad-e-gangued-yeerdaklegedgi bangus
gudimalad. A-ulale, geg Bab-Dummad-walikaa
gumarsunnad.

Romanos 6:23

Ar isgued, burgwedgi dule-bennuked.
Bab-Dummad-nabir-anmargi-binsamaiddi,
anmar-Dummad-Cristo-Jesús'gi burba-geg-bergued
anmarga uked.

Hebreos 9:27

Ar dulemarga, unnila irgwenna-burgwed igar maid.
Geb a-sorbali, Bab-Dummad ega e-nanasad-igar itogoed.



Efesios 2:8,9

Ar bema abonalege-wilubsulinad, emigindi, Jesucristo'gi-bensulidba Bab-Dummad bema-abonononikid. Ar bema na duki Jesucristo'gi abonoleged amissulid. Ar Bab-Dummad na e bema abonaleged-igar uksad. We-abonolegedi, na be ibma-imakedgi abonolessulid, adi, bema mer na san-dummarba imakmalagar.

Romanos 10:9,10

Ar dulemarga bela be socele, "Jesús, Bab-Dummadye," degine, be-gwagegi be bensulile, Bab-Dummad, we-Jesús burgwarmalad-abargi gannar odulosye, be abonolegodo. Ar be isgussuliyob-daklegega, gwagegi Jesús'gi-bensuli be guergebed. Be abonolegegardi, gayagi be sogergebed, Jesús, Bab-Dummadye.



Juan 3:16,17

“Ar Bab-Dummad bela we-napneggi-dule-bukwad
nue-sabgussoggu, E-Machi-Wargwenna-Guedi barmialid,
adi, dulemar-iscued-anar burgwegar. Ar doa-dule
Bab-Dummad-Machigi bensuli-gunonikile,
burba-geg-bergued nikuoed, adi, mer bar degisadegu,
sabsur-odurdaklesii guegar. Ar Bab-Dummad
we-napnegse na E-Machi-barmiargu,
dule-we-napneggi-bukmalad-sabsur-odurdakega
barmiarsulid. Na E-Machi-barmialid, adi,
dule-we-napneggi-bukmalad E-Machigi abonolemalagar.



1 Juan 5:11-13

Ar Bab-Dummad anmarga weyob sunmaknaid:
Bab-Dummad anmarga san-burba-geg-bergued uksad.
We burba-geg-bergued Bab-Dummad-Machigi danikid.
Ar dule Bab-Dummad-Machi-abingasadi,
san-burba-geg-bergued bato nikad. Ar dule
Bab-Dummad-Machi-abingasuliddi,
san-burba-geg-bergued niksulid. Bemar
Bab-Dummad-Machigi-bensurmaladga, we-ibmarmar
an narmaked, adi, bemar wisgumalagar, bemar
burba-geg-bergued nikamarye. Degine, adi,
Bab-Dummad-Machi-nuggi be bensuli gumalagar.



Génesis 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Kuna, San Blas Bible (cuk) © 2014, Wycliffe Bible
Translators, Inc. All rights reserved.

<https://live.bible.is/bible/CUKNVS/MAT/1>

©2026 Bible for Children, Inc.

www.M1914.org

www.bibleforchildren.org

